

Na osnovu čl. 19. stav 4. i 32a. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06 i 32/07), Agencija za državnu službu Bosne i Hercegovine, u ime Ministarstva sigurnosti Bosne i Hercegovine, raspisuje

OGLAS ZA INTERNI PREMJEŠTAJ
državnih službenika u Ministarstvu sigurnosti Bosne i Hercegovine

1/01 Viši stručni saradnik za usklađivanje i organizaciju
1/02 Stručni savjetnik iz oblasti borbe protiv terorizma
1/03 Šef Odsjeka za tehničke standarde i nadzor

Sektor za međunarodnu saradnju

1/01 Viši stručni saradnik za usklađivanje i organizaciju

Opis radnih zadataka: obavlja najsloženije normativno-pravne i analitičke poslove iz djelokruga rada Odsjeka koji se odnose na izradu pravnih propisa, smjernica, uputstava radi praćenja i izvršavanja međunarodnih obaveza iz djelokruga rada Odsjeka i Sektora; predlaže mjere i aktivnosti radi usklađivanja domaće legislative sa međunarodnim standardima; obavlja i druge poslove po nalogu pomoćnika ministra i šefa Odsjeka kome podnosi izvještaj o svom radu.

Posebni uslovi: završen Pravni, Ekonomski fakultet ili Fakultet političkih nauka; najmanje jedna (1) godina radnog iskustva; poznavanje engleskog jezika; položen stručni (upravni) ispit.

Sektor za borbu protiv terorizma, organizovanog kriminala i zloupotrebe narkotika

1/02 Stručni savjetnik iz oblasti borbe protiv terorizma

Opis radnih zadataka: prati, proučava, analizira i procjenjuje ukupno stanje u oblasti borbe protiv terorizma kako na međunarodnom tako i na unutrašnjem planu a naročito vezano za zakonito, efikasno i blagovremeno provođenje zakona i propisa koji se odnose na suzbijanje terorizma, suzbijanje aktivnosti grupa koje se bave krijumčarenjem oružja za potrebe terorističkih grupa, nuklearnog i hemijskog biološkog oružja te finansiranjem terorizma ili grupa koje ga podupiru a posebno onih za koje se indicira da su u sprezi sa drugim oblicima organizovanog kriminala, te saraduje i koordinira aktivnosti vezane za stateško suzbijanje i borbu protiv ovih pojava sa agencijama iz sastava Ministarstva, te drugim državama i entitetskim institucijama, organima i tijelima, kao i sa odgovarajućim međunarodnim organizacijama; u okviru radnih zadataka pruža stručnu pomoć agencijama iz sastava Ministarstva i nadležnim za provedbu poslova iz predmetne oblasti, te u skladu sa potrebama i sa dobijenim nalogom vrši neposredan uvid u način izvršenja zadataka i provođenje zakona na terenu; sačinjava izvještaje i predlaže preduzimanje odgovarajućih strateških mjera i radnji u cilju djelotvornijeg obavljanja poslova iz predmetne oblasti; neposredno vodi projekte i inicijative iz oblasti preventivnog i represivnog suzbijanja pojava iz djelokruga rada, a koje su u nadležnosti Odsjeka, priprema analitičko-informativne i druge materijale iz djelokruga, neposredno radi na poslovima izrade izvještaja o proteklim aktivnostima, odnosno izradi planova rada u narednom periodu, obavlja i druge poslove koje mu odredi šef Odsjeka; odgovoran je za praćenje međunarodne regulative iz predmetne oblasti, davanje ocjene o stepenu njihove implementacije i usklađenosti sa domaćom regulativom, te predlaže pokretanje inicijative za izmjene i dopune zakonskih i podzakonskih akata, te radi na poslovima međunarodne saradnje iz svog domena.

Posebni uslovi: završen Fakultet kriminalističkih nauka ili Pravni fakultet; najmanje tri (3) godine radnog iskustva na istim ili sličnim poslovima; znanje jednog svjetskog jezika; položen stručni (upravni) ispit.

Sektor za zaštitu tajnih podataka

1/03 Šef Odsjeka za tehničke standarde i nadzor

Opis radnih zadataka: neposredno rukovodi radom Odsjeka i odgovoran je za blagovremeno, zakonito i pravilno izvršavanje poslova iz djelokruga rada Odsjeka; dodjeljuje poslove neposrednim izvršiocima; neposredno izvršava najsloženije poslove; saraduje sa drugim odsjecima u sektoru; prati stanje u oblasti tehničke zaštite, ugradnje i izbora sigurnosnih sistema neophodnih za zaštitu osoblja, informacija i materijalno tehničkih dobara i brine za usavršavanje fizičkih i tehničkih mjera zaštite u državnim, entitetskim i organima na drugim nivoima u BiH, te u privrednim organizacijama koje imaju pristup tajnim podacima i povjerljivima informacijama i njima raspolažu; planira i rukovodi mjerama

fizičke i tehničke zaštite; učestvuje u izradi pravila i standardnih operativnih procedura, izrađuje i usavršava sigurnosne standarde za sigurnosne sisteme koji se primjenjuju u zaštiti tajnih podataka; rukovodi i planira sigurnosne mjere koje se poduzimaju u kriznim sigurnosnim situacijama; vrši nadzor i kontrolu ugrađenih sigurnosnih sistema i mjera sigurnosne zaštite te nadzor nad sigurnosnim provjerama; učestvuje u izradi mjesečnih planova rada Odsjeka; podnosi izvještaj o radu Odsjeka, obavlja druge poslove na zahtjev pomoćnika ministra, kome podnosi izvještaj o radu .

Posebni uslovi: završen Pravni fakultet, Fakultet političkih nauka – smjer sigurnost ili Fakultet kriminalističkih nauka ili Visoka škola – smjer kriminalistika; najmanje tri (3) godine radnog iskustva; poznavanje engleskog jezika; položen stručni (upravni) ispit; poznavanje rada na računaru.

Broj izvršilaca: za svako od oglašanih radnih mjesta traži se po jedan (1) izvršilac

NAPOMENA VEZANA ZA USLOVE KOJE KANDIDATI MORAJU ISPUNJAVATI:

Pored posebnih uslova kandidati moraju zadovoljavati i opšte uslove propisane članom 64. Zakona o državnoj službi u institucijama Bosne i Hercegovine, te moraju imati položen javni ispit, stručni (upravni) ispit, ispit opšteg znanja ili ispit koji odgovara pobrojanim ispitima, odnosno biti oslobođeni od obaveze polaganja javnog ispita ili stručnog upravnog ispita za visoku školsku spremu odlukom mjereodavnog organa u skladu sa propisima.

Na ovaj oglas mogu se prijaviti samo lica zaposlena kao državni službenici u Ministarstvu sigurnosti BiH.

Napomena za sve kandidate:

- Komisija bira kandidate na osnovu podataka iz prijave, kao i znanja i sposobnosti pokazanih na stručnom ispitu koji se za kandidate prijavljene na oglas za interni premještaj sastoji od intrevjua.
- Postupak izbora kandidata regulisan je Pravilnikom o postupcima oglašavanja, izbora kandidata, premještaja i postavljenja državnih službenika u slučaju prenosa ili preuzimanja nadležnosti od strane institucija BiH („Službeni glasnik BiH“, broj 27/08).
- Kandidati se o obavještavaju o mjestu i vremenu održavanja intervjua isključivo putem službene internet stranice Agencije za državnu službu, gdje se i objavljuje oglas, od kada i teče rok za podnošenje prijava.
- Pod radnim iskustvom podrazumijeva se radno iskustvo nakon stečene visoke školske spreme.
- Kandidat koji bude prvi na listi uspješnih kandidata, odnosno koji bude postavljen na navedeno radno mjesto državnog službenika, po dobijanju rješenja treba instituciji dostaviti uvjerenje o nevođenju krivičnog postupka (ne starije od tri mjeseca), radi ulaganja u njegov personalni dosije.

Potrebni dokumenti:

ovjerene kopije: fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine); važeće lične karte; uvjerenja o položenom stručnom (upravnom) odnosno javnom ispitu; potvrde ili uvjerenja kao dokaza o traženom radnom iskustvu; dokaza o traženom poznavanju engleskog jezika – za pozicije 1/1 i 1/03 odnosno dokaza o traženom znanju jednog svjetskog jezika – za poziciju 1/02; popunjen obrazac Agencije za državnu službu koji se može dobiti u prostorijama Ministarstva sigurnosti BiH ili na web stranici Agencije www.ads.gov.ba.

Sve tražene dokumente treba dostaviti **najkasnije do 27.05.2008. godine**, putem pošte preporučeno na adresu:

Ministarstvo sigurnosti Bosne i Hercegovine

“Oglas za interni premještaj državnih službenika u Ministarstvu sigurnosti BiH “

71000 Sarajevo, Trg BiH 1

Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje.

Maja 2008. godine

**DIREKTOR
Jakob Finci**